



Kutafuta-na-Kuokoa-Waliopotea

Kwa kuwa Mwana wa Adamu alikuja kutafuta na kuokoa kile kilichopotea.—
Luka 19:10.

Mwalimu aliyeteuliwa na mbingu anatokea, hakuwa mtu wa chini ya Mwana wa Mungu wa milele. Kunjua hati nawe usome habari Zake. Musa aliwaambia wana wa Israeli: “Bwana akaniambia, Wametenda vema kusema walivyosema. Mimi nitawaondokeshea nabii miongoni mwa ndugu zao mfano wako wewe, nami nitatia maneno yangu kinywani mwake, naye atawaambia yote nitakayomwamuru. Hata itakuwa, mtu asiyesikiliza maneno yangu atakayosema yule kwa jina langu, nitalitaka kwake.” Hapa tunaona utabiri unaotangaza kuwasili kwenye heshima ya juu. Maneno Yake hayakupaswa kupuuzwa; kwani mamlaka Yake yalikuwa ya juu sana, na uwezo Wake ni ule usioshindika.

Kunjua hati hii zaidi, usome kile Isaya anachosema juu ya kazi Yake: “Roho ya Bwana MUNGU i juu yangu; kwa sababu Bwana amenitia mafuta niwahubiri wanyenyekevu habari njema; amenituma ili kuwaganga waliovunjika moyo, kuwatangazia mateka uhuru wao, na hao waliofungwa habari za kufunguliwa kwao. Kutangaza mwaka wa Bwana uliokubaliwa, na siku ya kisasi cha Mungu wetu; kuwafariji wote waliao; kuwaagizia hao waliao-katika Sayuni, wapewe taji ya maua badala ya majivu, mafuta ya furaha badala ya maombolezo, vazi la sifa badala ya roho nzito; wapate kuitwa miti ya haki, iliyopandwa na Bwana, ili atukuzwe”....

Kwa mara nyingine tunamsoma Kristo kama mjumbe ajaye wa agano, na kama Jua la Haki ambalo litatokea. Manabii walimfanya Yeye kuwa mada yao ya awali kabisa na ya mwisho kabisa...

Wakati wa kuja Kwake, (Wayahudi) hawakumpokea, kwa sababu walikuwa wamekusanya mawazo yasiyo ya kweli kuhusu namna ya kuja Kwake. Yesu huyu, mtu wa kawaida wa mashambani na fundi seremala, mwenye chanzo kisichoeleweka vizuri, Mwana wa Mungu, Masihi? Haiwezekani.

Lakini katika Kristo, ile hali ya upekee iliyowatenganisha Wayahudi na mataifa mengine ilitoweka. Alijiweka Mwenyewe mahali ambapo angeweza kutoa maelekezo kwa makundi yote ya watu. Mara kwa mara aliwaambia kwamba alikuwa na uhusiano na familia yote ya wanadamu, Wayahudi kwa Wamataifa. Alisema, “Sikuja kuwaita wenye haki, bali wenye dhambi, wapate kutubu.” Alikuwa kutafuta na kuokoa kile kilichopotea. Kwa sababu hii, aliwaacha tisini na kenda; kwa sababu hii aliyaweka pembeni mavazi Yake ya kifalme, na kufunika uungu Wake kwa ubinadamu. Dunia yote ni eneo la kufanyia kazi la Kristo. Eneo lililo dogo kuliko hili, haliingii mawazoni Mwake (The Signs of the Times, Juni 24, 1897).